



Bæjarstjórn Akureyrar
Eiríkur Björn Björgvinsson bæjarstjóri
Geislagötu 9
600 AKUREYRI

AKUREYRARBÆR
Mótt.: 29.09.2016
Málsnr.: 2016090176
Lykill: 01 - 301

Kópavogi, 27. september 2016.

Ágóðahlutagreiðsla 2016

Aðalfundur fulltrúaráðs EBÍ sem haldinn var s.l. haust samþykkti að áfram skuli hluti hagnaðar af starfsemi félagsins árlega greiddur til aðildarsveitarfélaganna í formi ágóðahlutar. Jafnframt var áréttar að ætíð eigi að taka mið af meginmarkmiðum fjárfestingastefnu EBÍ við ákvörðun endanlegrar greiðslu.

Meginmarkmið fjárfestingastefnu EBÍ er að greiða aðildarsveitarfélögunum árlega út ágóðahlut en með þeim fyrirvara að lágmarkaðar séu líkur á að höfuðstóll skerðist við útgreiðslu. Á aðalfundinum var farið mjög ítarlega í fjárfestingastefnu félagsins og stefnumörkun varðandi ágóðahlutagreiðslu til aðildarsveitarfélaganna.

Stjórn EBÍ hefur það að markmiði að útgreiðsla ágóðahlutans minnki líkur á að gengið sé á eigið fé félagsins til lengri tíma og jafni út sveiflur í greiðslu ágóðahlutans. Til að fullnægja þessum skilyrðum hefur verið litið til meðalhækkunar eigin fjár síðustu þriggja ára og að öllu jöfnu verði ekki greiddur út lægri ágóðahlutur en 50 milljónir og ekki hærri en 250 milljónir.

Stjórn EBÍ ákvað að greiddar verði út 50 milljónir króna til aðildarsveitarfélaganna fyrir árið 2016. Er þetta gert í ljósi þess að eigið fé félagsins hefur lækkað ef litið er til meðaltals síðustu þriggja ára og vegna ákveðinnar óvissu varðandi ávöxtun yfirstandandi árs.

Árið 1998 markaði upphaf ágóðahlutagreiðslna til aðildarsveitarfélaga EBÍ og er ánægjulegt að geta tilkynnt að á núvirði hafa verið greiddir út úr féluginu rúmir **6 milljarðar** á þessu tímabili.

Hlutdeild Akureyrar í Sameignarsjóði EBÍ er 11,322 % og greiðsla ársins þann 14. október n.k. verður þá hlutfall af kr. 50 milljónum eða kr. **5.661.000.-**.

Aðstæður á fjármálamörkuðum hafa ekki alltaf verið hagfelldar en þrátt fyrir það mun félagið áfram hafa það að leiðarljósi að vera traustur bakhjarl í forvarnarstarfi og að ávöxtun félagsins renni til aðildarsveitarfélaganna, íbúum þeirra til hagsbóta.

Með bestukveðju,

Anna Sigurðardóttir
framkvæmdastjóri EBÍ.